

Martin Luther King III, Rabbi Awraham Soetendorp y e ex- director di Anne Frank Huis lo ta oradornan invita

Lidernan internacional lo participa den e desvelo di e Estatua di Anne Frank



E hunta di directiva di Fundacion RESPETA BIDA....semper corda, ta trahando dia y anochi pa prepara pa pa e desvelo di e fundacion su prome proyecto grandi, un estatua di Anne Frank, cual lo wordo introduci oficialmente na e publico durante un ceremonia special riba diadomingo, 12 di Juni, den Parke Wilhelmina. E fundacion a invita varios persona distingui, kendenan lo duna un discurso durante e ceremonia di desvelo di e estatua.

Rabbi Awraham Soetendorp, precedente di Hulanda, ta un vocero pa derechonan humano, escritor, lector y activista ambiental ganado di premionan, kende tabata instrumental den e reestablecimiento di comunidatnan Hudiu na Hulanda. E ta e ex-presidente di e Region Europeo di e Union

Mundial pa Hudaismo Progresivo, ademá di ta e fundador di varios organisacion, incluyendo e Day of Respect Foundation, e Hope for Children Fund y e Islam and the West Dialogue Group di e World Economic Forum. Debi na su trabou incansabel y como reconocimiento di su logronan, Reina Beatrix a honra Rabbi Soetendorp cu e Distincion Real como un Officier di e Cas di Oranje na 1994. Tambe bishitando di Hulanda lo ta Hans Westra, kende a tene e posicionnan di CEO y Director di e Anne Frank Foundation pa 27 aña, durante cual el a transforma e cas di Anne Frank den un organisacion profesional, cono rond di mundo. Sr. Westra a nace na 1945, y a lanta den un cos no Hudiu unda e ta bisa cu no tabata permiti pa papia di e guerra. El a

traha pa e fundacion cu ta opera e Achterhuis, cual ta e cas riba un canal na Amsterdam, unda Anne Frank a sconde for di e Nazinan, pa un total di 35 aña.

Bishitando for di Merca lo ta Martin Luther King III, e yiu homber mas grandi di e lider di derechonan civil Dr. Martin Luther King, Jr., kende a sigui den e pasonan di su tata pa bira un vocero pa derechonan humano y activista comunitario. King a yuda funda e Estate of Martin Luther King Jr. Inc., cual ta e compania cu ta maneha e licencia di Martin Luther King Jr. su imagen y propiedad intelectual. El a sirbi tambe como e hefe di e Southern Christian Leadership Conference (SCLC), cual ta un organisacion di derechonan civil cu a wordo funda pa su tata.

Fundacion Respeta Bida...Semper Corda ta honra pa yama e dignatarionan internacional aki bon bini na Aruba, y ta invitando henter e comunidad pa scuchanan discurso y participa den e ceremonia di desvelo, cu lo tuma luga riba diadomingo, 12 di juni, cuminsando pa 5:30pm, den e curason di Parke Wilhelmina.

Aki por mira, compaña pa su creador, artista Joep Coppens, e estatua di Anne Frank, cla pa su cas nobo den Parke Wilhelmina, como tambe e dignatarionan invita pa participa den e ceremonia di desvelo.